

全上古三代秦漢三國六朝文

全晉文卷三

烏程嚴可均校輯

武帝

曰裴秀爲司空詔

泰始四年正月辛未

夫三司之任曰翼宣皇極弼成王事者也故經國論道賴之明哲苟非其人官不虛做尙書令左光祿大夫裴秀雅量弘博思心通遠先帝登庸贊事前朝朕受明命光佐大業勳德茂著配蹤元凱宜正位居體曰康庶績其曰秀爲司空

晉書裴秀傳

曰賈充守尙書令詔

正月

尙書令百揆之首總齊機衡出納朝政治績之所繇也車騎將軍賈充忠允清正通理經遠兼迪文武謨勳弘著其曰充守尙書令

書鈔五十九引晉起居注

賞定新律諸臣詔

正月丙戌

漢氏自來法令嚴峻故自元成之世及建安嘉平之間咸欲辯章舊典刪革刑書述作體大歷年無成先帝愍元元之命陷於密網親發德音釐正名實車騎將軍賈充獎明聖意諮詢善道太傅鄭冲又與司空荀顗中書監荀勗中軍將軍羊祜中護軍王業及廷尉杜友守河南尹杜預散騎侍郎裴楷潁川太守周雄齊相郭頤騎都尉成公綏荀勗尚書郎柳軌等典正其事朕每鑒其用心常慨然嘉之今法律既成始班天下刑寬禁簡足曰克當先旨昔蕭何已定律受封叔孫通曰制儀爲奉常賜金五百觔弟子皆爲郎夫立功立事古之所重自太傅車騎曰下皆加祿賞其詳依故典

晉書賈充傳

昔蕭何已定律令受封叔孫通制儀爲奉常賜金五百觔弟子百人皆爲郎中夫立功立事古今之所重宜加祿賞其詳考差敘輒如詔簡異弟子百人隨才品用賞帛萬餘匹

晉書刑法志

耕籍詔 正月丁亥

夫國之大事在祀與農。是自古之聖王躬耕帝籍。已供郊廟之粢盛。且日訓化天下。近世以來。耕籍止於數步之中。空有慕古之名。曾無供祀訓農之實。而有百官車徒之費。今修千畝之制。當與羣公卿士躬稼穡之艱難。日率先天下。主者詳具其制。下河南。處田地。於東郊之南。洛水之北。平良田水中者。若無官田。隨宜便換。而不得侵民人也。

晉書禮志上  
宋書禮志一

大赦詔 正月戊子

古設象刑而罔不犯。今雖參夷而姦不絕。何德刑相去之遠哉。先帝深愍黎元。哀矜庶獄。乃命羣后。考正典刑。朕守遺業。永惟保乂。皇基。思與萬國。日無爲爲政。方今陽春養物。東作始興。朕親率王公卿士。耕籍田千畝。又律令既就。班之天下。將日簡法務。本惠育海內。宜寬宥罪。使得自新。其大赦天下。長吏郡丞。長史。各賜馬一

匹晉書武帝紀

賜郡縣長吏詔正月庚寅

使四海之內棄末反本競農務功能奉宣朕志令百姓勸事樂業者其唯郡縣長吏乎先之勞之在於不倦每念其經營職事亦為勤矣其日中左典牧種草馬賜縣令長相及郡國丞各一匹晉書食貨志

日羊祜為尚書左僕射詔二月甲寅

夫總齊機衡允釐六職朝政之本也祜執德清劭御覽作散騎常侍中軍將軍羊

祜秉德清劭忠亮純茂經緯文武寒寒正直雖處腹心之任而不總樞

機之重非垂拱無為委任責成之意也其日祜為尚書左僕射衛

將軍給本營兵晉書羊祜傳又見御覽二百十一引于寶晉紀

文明太后崩荅羣臣請既葬即吉詔四月

夫三年之喪天下之達禮也受終身之愛而無數年之報奈何葬

而便即吉情所不忍也

晉書禮志中  
宋書禮志二

又詔荅

攬省奏事益增感剝夫三年之喪所已盡情致禮葬已便除所不堪也當敘吾哀懷言用斷絕奈何奈何

晉書禮志中  
宋書禮志二

又詔荅

不能篤孝勿已毀傷為憂也誠知衣服末事耳然今思存草土率

宋志

當作常已吉物奪之適所已重傷至心非見念也每代禮典質文

皆不同耳何為限已近制使達喪關然乎

晉書禮志中  
宋書禮志二

責成二千石詔

六月甲申

郡國守相三載一巡行屬縣必已春此古者所已述職宣風展義也見長吏觀風俗協禮律考度量存問耆老親見百年錄囚徒理冤枉詳察政刑得失知百姓所患苦無有遠近便若朕親臨之敦喻五教勸務農功勉勵學者思勤正典無為百家庸末致遠必泥

士庶有好學篤道孝悌忠信清白異行者舉而進之有不孝敬於  
父母不長悌於族黨悖禮棄常不率法令者糾而罪之田疇闢生  
業修禮敎設禁令行則長吏之能也人窮價農事荒茲盜起刑獄  
煩下陵上替禮義不興斯長吏之否也若長吏在官公廉慮不及  
私正色直節不飾名譽者及身行貪穢諂黷求容公節不立而私  
門日富者並謹察之揚清激濁舉善彈違此朕所曰垂拱總綱責  
成於良二千石也於戲戒哉

晉書武帝紀

遣使者侯史光等周行郡國詔

七月戊午

古之王者曰歲時巡狩方岳其次則二伯述職不然則行人巡省  
擯人誦志故雖幽遐側微心無壅隔下情上通上指遠論至于解  
寡罔不得所用垂風遺烈休聲猶存朕在位累載如臨深川宋志  
當是淵字風興夕惕明發不寢坐而待旦思四方水旱災眚作爲之  
唐避諱改怛然勤躬約已欲令事事當宜常恐眾吏用情誠心未著萬機兼

猥慮有不周政刑失謬而弗獲備覽百姓有過在予一人惟歲之

不易未遑上征巡省之事宋志之未久其何已恤之今使使持

節侍中副給事黃門侍郎銜命四出周行天下親見刺史二千石

長吏申諭朕心懇誠至意訪求得失損益諸宜觀省政敎宋志問

人間患苦周典有之已其萬姓宋志作人當是民字唐避諱改之利害為一書其

禮俗政事刑禁之逆順為一書其悖逆暴亂作慝犯令為一書其

札喪凶荒戾貧為一書其康樂和親安平為一書每國辨異之已

返命於王已周知天下之故斯舊章前訓今率由之還具條奏俾

朕昭然鑒於幽遠若親行焉大夫君子其各悉乃心敬乃事嘉言

宋志作謀令圖苦言至戒與使者盡之無所隱諱方將虚心已俟其勉

哉勛之稱朕意焉晉書禮志下宋書禮志二通典五十四

詔有司奏事勿隱情九月

雖詔有所欲及奏得可而於事不便者皆不可隱情晉書武帝紀

詔諸賢良方正直言會東堂

四年

省諸賢良對策雖所言殊塗皆明於王義有益政道欲詳覽其對

究觀賢士大夫用心

晉書摯虞傳

封外曾祖母及從母詔

四年

外曾祖母故司徒王朗夫人楊氏舅氏尊屬鄭劉二從母先后至

變每惟聖善敦睦遺旨渭陽之感永懷靡及其封楊夫人及從母

爲鄉君邑各五百戶

晉書文明王皇后傳

報傅玄上便宜詔

四年

得所陳便宜言農事得失及水官興廢又安邊御胡政事寬猛之

宜申省周備一二具之此誠爲國大本當今急務也如所論皆善

深知乃心廣思諸宜動靜日聞也

晉書傅玄傳

召衛瓘爲青州刺史詔

秦始皇五年二月壬午

征東將軍衛瓘忠允清識有文武之才宜令宣風萬里爲青州刺

史曰統戎政

書鈔七十二引晉起居注

歲計吏功詔

二月丁亥

古者歲書羣吏之能否三年而誅賞之諸令史前後但簡遺疏劣

而無有勸進非黜陟之謂也其條勤能有稱尤異者歲曰爲常吾

將議其功勞

晉書武帝紀

詔諸葛京署吏

三月己未

諸葛亮在蜀盡其心力其子瞻臨難而死義天下之善一也其孫

京隨才署吏

蜀志諸葛亮傳注引晉起居注

賜王宏穀傳

十月丙子

朕惟人食之急而懼天時水旱之運夙夜警戒念在於農雖詔書

屢下敕厲殷勤猶恐百姓廢惰已捐生植之功而刺史二千石百

里長吏未能盡勤至使地有遺利而人有餘力每恩聞監司糾舉

能不將行其賞罰目明沮勸今司隸校尉石鑒上汲郡太守王宏

勤恤百姓導化有方督勸開荒五千餘頃而熟田常課頃畝不減  
比年普飢人不足食而宏郡界獨無匱乏可謂能已勸教時同功  
異者矣其賜宏穀千斛布告天下咸使聞知晉書良吏王宏傳又見食貨志  
為城陽王兆立後詔十一月

亡弟千秋少聰慧有夙成之質不幸早亡先帝先后特所哀愍先  
后欲詔立其後而竟未遂每追遺意情懷感傷其曰皇子景度為  
千秋後雖非典禮亦近世之所行且曰述先后本旨也晉書城陽王兆傳  
普告州郡舉壯勇秀異詔十二月

吳會未平宜得猛士呂濟武功雖舊有薦舉之法未足已盡殊才  
其普告州郡有壯勇秀異才力傑出者皆呂名聞將簡其尤異擢  
而用之苟有其人勿限所取晉書馬隆傳

呂荀顗行太子太傅詔並年

待中太尉顗溫恭忠允至行純備博古洽聞耆艾不殆其呂公行

太子太傅侍中太尉如故

晉書荀勗傳

太子敬禮師傅詔

五年

太子拜傅如弟子事師之禮

北堂書鈔六十九引晉起居注

詔定二傅不臣拜

秦漢以來舊章廢滅隨時改作其故事不可依用宜遠準古議定

二傅不臣拜

御覽二百四十四引晉書何曾議太子少傅當稱臣拜荀勗曰太之與少自二傅之名次耳非于太子有

輕重也

下詔

詔爲睢陵公王祥發哀

五年

爲睢陵公發哀事乃至今雖每爲之感傷要未得便敘哀情今便

哭之

晉書王祥傳

詔勿罪鞠路

五年

狂狷怨誰亦朕之罪勿罪也

羣書治要二十九引晉書泰始五年廷尉上西平民鞠路伐登聞鼓言多

妖妄毀謗帝詔按治要所載晉書乃王隱書也

詔責汝南王亮

泰始六年六月

高平困急計城中及旂足日相拔就不能徑至尙當深進今奔突有投而坐視覆敗故加旂大戮今若罪不在旂當有所在

晉書汝南王亮

傳秦州刺史胡烈為羌虜所害亮遣將軍劉旂騎督敬珍赴救不進旂當斬亮與軍師曹圖上言節度之咎由亮而出乞丐旂死詔

云

撰錄祕書詔

七月乙巳

自泰始以來大事皆撰錄祕書寫副後有其事輒宜綴集日為常

晉書武

帝紀

日譙周為散騎常侍詔

六年秋

騎都尉譙周間居中道不仕危國蜀亡之際勸劉禪歸命有忠君濟民之謀又耽習典誥博物洽聞朕甚嘉之日為散騎常侍

書鈔五十一

八引于晉書紀

幸辟雍行鄉飲酒禮下詔

十二月

禮儀之廢久矣乃今復講肄舊典賜大常絹百匹丞博士及學士

牛酒

晉書禮志下

優禮功臣詔

六年

昔漢祖已知人善任克平宇宙推述勳勞歸美三俊遂與功臣剖符作誓藏之宗廟副在有司所已明德庸勳藩翼王室者也昔我祖考遭世多難攬授英雋與之斷金遂濟時務克定大業太傅壽光公鄭沖太保朗陵公何曾太尉臨淮公荀顗各尙德依仁明允篤誠翼亮先皇光濟帝業故司空博陵元公王沈衛將軍鉅平侯羊祜才兼文武忠肅居正朕甚嘉之書不云乎天秩有禮五服五章哉其爲壽光朗陵臨淮博陵鉅平國置郎中令假夫人世子印綬食本秩三分之一皆如郡公侯比

晉書鄭沖傳

已陳邵爲給事中詔

六年

燕王師陳邵清貞潔行著邦族篤志好古博通六籍耽悅典誥

老而不倦宜在左右曰篤儒敎可為給事中

晉書陳邵傳又見書鈔五十八初學記十

二並引王隱晉書又略見御覽二百二十一

曰庾純為河南尹詔六年

河南京畿大郡為四方之表則中書令庾純清粹忠正才紹治化

其曰純為河南尹

書鈔七十六御覽二百五十二並引王隱晉書書鈔又引中興書才紹治化作才紹治亂

追賜譙周詔六年冬

騎都尉譙周篤志好古服膺儒義擢授近侍命位未加不幸殞喪

朕甚悼之賜朝服一具衣一襲錢十五萬喪葬所給比從散騎常

侍之制也

書鈔六十二又見蜀志譙周傳注引晉陽秋

又詔

還衣服給棺直

蜀志譙周傳注引晉陽秋

省錄裴秀表草詔

秦始七年三月

司空薨痛悼不能去心又得表草雖在危困不忘王室盡忠憂國

省益傷切輒當與諸賢共論也

晉書裴秀傳

贈諡裴秀詔三月

司空經德履哲體蹈儒雅佐命翼世勳業弘茂方將宣獻敷制爲世宗範不幸薨歿朕甚痛之其賜祕器朝服一具衣一襲錢三十萬布百匹諡曰元

晉書裴秀傳

曰高陽王珪爲尙書右僕射詔七年三月癸巳

尙書僕射總括萬機目貳紀綱綜詳朝政

書鈔五十九引晉起居注

尙書高陽王珪忠允善政思量弘濟莅官盡心所居著稱其曰珪爲右僕射

御覽二百二十一引晉起居注

詔賈充都督秦涼七月癸酉

秦涼二境比年屢敗胡虜縱暴百姓荼毒遂使異類扇動害及中州雖復吳蜀之寇未嘗至此誠由所任不足目內撫夷夏外鎮醜逆輕用其眾而不能盡其力非得心腹之重推轂委成大匡其弊

恐爲患而未已。每慮斯難。忘寢與食。侍中守尙書令車騎將軍賈充。雅量宏尙。達見明遠。武有折衷之威。文懷經國之慮。信結人心。名震域外。使權統方任。靜綏西夏。則吾無西顧之念。而遠近獲安矣。其已充爲使持節都督秦涼二州諸軍事。侍中車騎將軍如故。假羽葆鼓吹。給第一。

晉書賈充傳

廷問賢良詔

七年

前者對策。各指荅所問。未盡子大夫所欲言。故復延見。其具陳所懷。又比年連有水旱災眚。雖戰戰兢兢。未能究天人之理。當何修已。應其變。人遇水旱饑饉者。何已救之。中間多事。未得寧靜。思已省息煩務。令百姓不失其所。若人有所患苦者。有宜損益。使公私兩濟者。委曲陳之。又政在得人。而知之至難。唯有因人視聽耳。若有文武隱逸之士。各舉所知。雖幽賤負俗。勿有所限。故虛心思聞事實。勿務華辭。莫有所諱也。

晉書阮仲傳

呂石苞爲司徒詔

七年

前大司馬苞忠允清亮才經世務幹用之績所歷可紀宜掌教典

呂贊時政其呂苞爲司徒

晉書石苞傳

詔答有司

七年

吳人輕脆終無能爲故疆場之事但欲完固守備使不得越逸而

已呂苞計畫不同慮敵過甚故徵還更授昔鄧禹撓於關中而終

輔漢室豈呂一青而掩大德哉

晉書石苞傳有討秦苞前有所撓不堪其任呂公還第已爲弘厚不

宜擢用

詔云云

呂山濤爲侍中詔

七年

濤清風澹履思心通遠宜侍帷幄盡規左右

藝文類聚四十八御覽二百十九引竹林

七賢傳山濤泰始七年爲侍中詔書云云

呂羊琇爲中護軍詔

七年

中護軍與中領軍皆掌禁兵職典武選宜得堪幹其事者左衛將

軍羊琇有明瞻才具乃心在公其曰琇為中護軍

北堂書鈔六十  
四御覽二百四

十引晉  
起居注

報后苞詔七年

農殖者為政之本有國之大務也雖欲安時興化不先富而教之  
其道無由而至今四海多事軍國用廣加承征伐之後屢有水旱  
之事倉庫不充百姓無積古者稼穡樹藝司徒掌之今雖登論道  
然經國立政惟時所急故陶唐之世稷官為重今司徒位當其任  
乃心王事有毀家舒國乾乾匪躬之志其使司徒督察州郡播殖  
將委事任成垂拱仰辦若宜有所循行者其增置掾屬十人聽取  
王官更練事業者

晉書后苞傳苞為司  
徒奏課農桑詔云云

胡奮勉入直詔

七年

射聲校尉胡奮外掌方任內參九列不宜同之常例勿使入直

御

二百四十二  
引王隱晉書

召胡奮爲冠軍將軍詔七年

議郎胡奮開爽忠亮有文武才幹歷位外內涉練戎事威略之聲

著于方外其召奮爲冠軍將軍書鈔六十四部覽二百三十九

召鄭袤爲司空詔七年十二月

光祿大夫密陵侯袤履行純正守道沖粹退有清和之風進有素

絲之節宜登三階之曜補袞職之闕今召袤爲司空晉書鄭袤傳

十二初學記十  
一引晉起居注

賜進士出身一品銜廣東等處提刑按察使司按察使兼管驛傳事務黃岡王毓棠校刊

全晉文卷四

烏程嚴可均校輯

武帝

優給安平王孚喪事詔

泰始八年二月壬辰

王勳德超世尊寵無二期頤在位朕之所倚庶永百齡諮仰訓導  
奄忽殂隕哀慕感切其曰東園溫明祕器朝服一具衣一襲緋練  
百匹絹布各五百匹錢百萬穀千斛曰供喪事諸所施行皆依漢  
東平獻王蒼故事

晉書安平王孚傳

曰山濤爲吏部尙書詔

八年

議郎山濤至性簡靜凌虛篤素立身行己足曰勵俗其曰濤爲吏

部尙書

北堂書鈔卷六十引晉起居注

答山濤詔

君雖乃心在於色養然職有上下旦夕不廢醫藥且當割情曰隆

在公

晉書山濤傳濤選尚書  
曰毋老辭職詔云云

下太學詔

八年

已試經者留之其餘道還郡國大臣子弟堪受教者令入學

宋書禮志

一通典  
五十三

曰羊祜為車騎將軍開府詔

八年

使持節都督荊州諸軍事衛將軍羊祜歷位文武有佐命之勲其

曰祜為車騎將軍開府如三司之儀

晉書卷五十二  
引王隱晉書

詔責鄭徽

八年

謹言審諤直意盡辭所望於左右也人主常曰阿媚為患豈曰爭

臣為損乎陶所執不愆此義而微越職奏之豈朕意乎

羣書治要  
二十九引

孫盛陽秋秦始八年帝問右將軍皇甫陶論事陶固執所  
論與帝爭言微駭常侍鄭徽表求治罪詔云云乃免微官

荅何曾固讓領司徒詔

秦始九年五月

司徒舊丞相之職自古及今總論人物治化之本曰君弘道故選

於眾而復盤桓非所聞也

御覽二  
八引晉書

召下邳王晃爲安西將軍詔

九年

益州險遠素號難治宜召重將親賢撫之南中郎將下邳王晃清  
亮中正體行明潔才周政理有文武策識其召晃爲使持節都督  
益州二州諸軍事安西將軍領益州刺史

晉書下邳王晃傳又見  
書鈔七十二引晉起居

注作秦始  
元年詔

許鄭冲致仕詔

九年

太傅韞德深粹履行高潔恬遠清虛確然絕世艾服王事六十餘  
載忠肅在公虛不及私遂應眾舉歷登三事仍荷保傅之重綢繆  
論道之任光輔翼世亮茲天工迪宣謀猷弘濟大烈可謂朝之雋  
老眾所具瞻者也朕昧於政道庶事未康挹仰耆訓導揚厥蒙庶  
賴顯德緝熙有成功公履日年高疾篤致仕告退惟從公志則朕  
孰與諮謀譬彼涉川罔知攸濟是用未許迄于累載而高讓彌篤

至意難違覽其盛指俾朕懔然夫功成弗有上德所隆成人之美君子與焉豈必遂朕憑賴之心呂枉大雅進止之度哉今聽其所執呂壽光公就第位同保傅在三司之右公宜頤精養神保衛太和呂究遐福其賜几杖不朝古之哲王欽祇國老憲行乞言呂彌縱其闕若朝有大政皆就諮之

晉書列傳

呂鄧艾孫爲郎中詔

九年

艾有功勲受罪不逃刑而子孫爲萌隸朕常愍之其呂嫡孫則爲

郎中

魏志鄧艾傳

妾媵不得爲嫡正詔

秦始皇十年閏正月丁亥

嫡庶之別所呂辨上下明貴賤而近世呂來多皆內寵登妃后之

職亂尊卑之序自今呂後皆不得登用妾媵呂爲嫡正

晉書武帝紀

奪情起山臈爲吏部尙書詔

十年

吾所共致化者官人之職是也方今風俗陵遲人心進動宜崇明

好惡鎮日退讓山太常雖尚居諒闇情在難奪古人亦墨經從戎

此句從北堂書方今務殷何得遂其志邪其已濤為吏部尚書晉書

山濤傳又見北堂書鈔六十卷文類聚四十八引王隱晉書

又詔山濤

方今多事嘉謀良圖委已老成也初學記十一引晉書山濤轉尚書表辭才下年老詔云云

賜諡荀顗詔四月

侍中太尉行太子太傅臨淮公顗清純體道忠允立朝歷司內外

茂績既崇訓傳東宮徽猷弘著可謂行歸于周有始有卒者矣不

幸薨殂朕甚痛之其賜溫明祕器朝服一具衣一襲諡曰康晉書荀顗傳

傳

賜荀顗家錢詔

太尉不恤私門居無館宇素絲之志沒而彌顯其賜家錢二百萬

使立宅舍晉書荀顗傳

拜三夫人九嬪禮儀詔

拜授可依魏氏故事

晉書禮志下

賜諡后母詔

七月

皇后逮事先后常冀能終始永奉宗廟一旦殂隕痛悼傷懷每自  
已夙喪二親於家門之情特隆又有欲改葬父祖已頃者務從  
儉約初不有言近垂恩說此意情益愍之其使領前軍將軍駿等  
自克改葬之宜至時主者供給葬事賜諡母趙氏爲縣君已繼母  
段氏爲鄉君傳不云乎慎終追遠民德歸厚且使亡者有知尙或  
嘉之

晉書武元  
楊皇后傳

追贈太原王瓌詔

十年

瓌乃心忠篤智器雅亮歷位文武有幹事之績出臨封土夷夏懷  
附鎮守許都思謀可紀不幸早薨朕甚悼之今安厝在近其追贈  
前將軍

晉書安平  
王孚附傳

呂文立為散騎常侍詔

十年

太子中庶子文立忠貞清實有思理器幹前在濟陰政事修明後  
事東宮盡輔導之節昔光武平隴蜀皆修其賢才呂敘之蓋所呂  
拔幽滯而濟殊方也其呂立為散騎常侍

晉書儒林文立傳又見  
華陽國志十一作皆收

其才秀所呂援濟  
殊方仲敘幽滯也

止文立辭散騎常侍詔

常伯之職簡才而授何謙虛也

華陽國  
志十一

呂程咸為散騎常侍通直詔

十年

黃門郎程咸博聞洽通文藻清敏歷職左右劬勞內侍乃心在公  
夙夜不懈其呂咸為散騎常侍左通直郎

北堂書鈔五十八引王  
隱晉書又引臧榮緒晉

書

詔荅山濤

君為管人倫之職此輩應為清議與不便當裁處之

通典二十三  
引山濤啟事

曰臣欲曰卿生為溫令詔可乎又啟曰訪聞說喪母不時葬遂於所居屋後假葬有異同之議請更選之詔云云賜劉廙葬錢詔已下並泰始中年月未詳俟攷

故侍中劉廙曰清識明鑒有聲前代昔宣皇帝接曰師友之恩廙墓為盜賊所發甚用惻然其子阜素甚清貧今當殯葬其給輜車銘旌賜錢給作藏人功至時遣使者祭之御覽五百五十六

賜傅嘏夫人鮑葬錢詔

故太常傅嘏者昔曰令德賢才為先帝所接登龍之際有翼贊肅忠之勳早代殞歿不終功業每念其遺績常存於心今嘏夫人鮑當葬賜錢十萬給作葬藏人功嘏墓開祭曰少半御覽五百五十六

曰李膺領司隸校尉詔

膺忠允高亮有匪躬之節使領司隸校尉晉書李膺傳

卹侯史光家詔

光厲志守約有清忠之節家極貧儉其賜錢五十萬晉書侯史光傳

呂華表爲太常卿詔

表清賢履道內圓外順歷位忠恪言行不玷其呂表爲太常卿

二百二十八引

臧榮緒晉書

呂劉毅爲國子祭酒詔

劉毅博學多聞其呂毅爲散騎常侍國子祭酒

書鈔六十七引  
臧榮緒晉書

詔免庾純官

先王崇尊卑之禮明貴賤之序著溫克之德記沈酗之禍所目光  
宣道化示人軌儀也昔廣漢陵慢宰相獲犯上之刑灌夫託醉肆  
忿致誅斃之罪純呂凡才備位卿尹不惟謙敬之節不忌覆車之  
戒陵上無禮悖言自口宜加顯黜呂肅朝倫

晉書庾  
純傳

原庾純詔

自中世呂來多爲貴重順意賤者生情故合釋之定國得揚名於  
前世今議責庾純不惟溫克醉酒沈湎此責人呂齊聖也疑賈公

亦醉若其不醉終不於百客之中責已不去官供養也大晉依聖人典禮制臣子出處之宜若有八十皆當歸養亦不獨純也古人云由醉之言俾出童叟明不責醉恐失度也所曰免純者當為將來之醉戒耳齊王劉掾議當矣復曰純為國子祭酒加散騎常侍

晉書庾純傳

曰王濟為中書侍郎詔

駙馬都尉王濟忠篤好學問有文章器幹其曰濟為中書侍郎

北堂

書鈔五十七引晉起居注凡二條

案本傳云年二十拜中書郎又云先渾死年四十六則此詔當在秦始中

許華表致仕詔

表清貞履素有老成之美久幹王事靜恭匪懈而曰疾固辭章表

懇至今聽如所上曰為太中大夫賜錢二十萬牀帳褥席祿賜與

卿同門施行馬

晉書華表傳

參訪竇允詔

當官者能累身修己然後在公之節乃全身善有章雖賤必賞此  
興化立教之務也謁者竇允前爲浩置長日修勤清白見稱河右  
是輩當擢用使立行者有所勸主者詳復參訪有日旌表之

晉書  
良吏

公主嫁儀詔

公主嫁由夫氏不宜皆爲備物賜錢使足而已惟給璋餘如故事

晉書禮  
志下

優賜李熹詔

光祿大夫特進李熹杖德居義當升台司毗亮朕躬而已年尊致  
仕雖優游無爲可曰熙神而虛心之望能不憊然其因光祿之號  
改假金紫置官騎十人賜錢五十萬祿賜班禮一如三司門施行

馬晉書李  
熹傳

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷四終

全晉文卷五

烏程嚴可均校輯

武帝四

改元大赦詔

咸寧元年正月戊午朔

制詔蓋至化之本，寬已居之仁，已行之然後道濟天下，品物得所。朕已不德，託於王公之上，在位十年，不能光宣大訓，嘉靜萬國，吳會僭虐，戎夷作害，伐卒勤瘁於外，百姓劬勞於內，加以水旱爲災，歲比不登，雖昧旦兢兢，不遑荒殆，未能道德齊禮，使羣生獲乂，斷獄歲墮，人免無恥，上古易簡而化成，刑輕而姦改，仰觀在昔，何今者不逮之遠哉！書不云乎：邦之不臧，惟予一人有逸罰。意者豈文教未篤，政煩網密，故醕糝離散，已至於此歟！思存化本，務與四海共興時雍，使元元之人咸得自新，其大赦天下，改元爲咸寧。文館

六百六十八

呂王覽為宗正卿詔

元年

覽少篤至行服仁履義貞素之操長而彌固其曰覽為宗正卿晉書

王覽傳

呂奚官奴代田兵種稻詔

元年十二月

出戰入耕雖自古之常然事力未息未嘗不曰戰士為念也今日  
鄴奚官奴婢著新城代田兵種稻奴婢各五十人為一屯屯置司  
馬使皆如屯田法晉書食貨志

呂山濤為太子少傅詔

咸寧初

濤秉德冲素思心潛通清虛履道有古人之風雖使輔導東宮宜  
兼督朝事北堂書鈔六十

五引王隱晉書

呂山濤為右僕射詔

咸寧初

山濤自典官人之任志在澄清風俗朕將倚之呂弘訓範庶人倫  
有日新之美其曰為右僕射書鈔五十九引晉起居注

荅白哀詔

濤目病自間但不聽之耳使濤坐執銓衡則可何必上下邪不得  
有所問  
晉書山濤傳濤除尚書僕射加侍中領吏部郎辭曰老疾上表陳情章表數十上久不攝職為左丞白哀所奏詔云

手詔山濤

白哀奏君甚矣所曰不即推直不喜凶赫耳君之明度豈當介意  
邪便當攝職令斷章表也  
晉書山濤傳

又詔山濤

山僕射近日暫出遂曰微苦未還豈吾側席之意其遣丞掾奉詔  
喻旨若體力故未平康者便引輿車輿還寺舍  
晉書山濤傳濤去婦喪輒還外舍又詔

原何劭等詔

太保與毅有累世之交遵等所取差薄一皆置之  
晉書何劭傳咸

及見遺等受故開命表  
穀貨事下廷尉詔原之

止羣臣上禮詔二年二月

每念頃遇疫氣死亡爲之愴然豈日一身之休息忘百姓之艱邪

諸上禮者皆絕之晉書武帝紀先是帝不豫及瘳羣臣上壽

喪不舉樂詔十一月

諸王公大臣薨應三朝發哀者踰月不舉樂其一朝發哀者三日

不舉樂也晉書禮志中

徵皇甫謐爲太子中庶子詔十二月

男子皇甫謐沈靜履素守學好古與流俗異趣其曰謐爲太子中

庶子晉書皇甫謐傳又見北堂書鈔六十六引晉起居注

呂曹志爲博士詔

甄城公曹志篤行履素達學通識宜在儒林闡弘胄子之教其曰

志爲散騎常侍國子博士晉書曹志傳書鈔六十七引晉起居注

責有司失議華廙詔

諸侯薨子踰年卽位此古制也應卽位而廢之爵命皆去矣何爲罪罰再加且吾之責廙曰肅貪穢本不論常法也諸賢不能將明此意乃更詭易禮律不顧憲度君命廢之而羣下復之此爲上下正相反也

晉書華表附傳

呂扶風王亮爲宗師詔

咸寧三年正月

宗室戚屬國之枝葉欲令奉率德義爲天下式然處富貴而能慎行者寡召穆公糾合兄弟而賦棠棣之詩此姬氏所曰本枝百世也今呂衛將軍扶風王亮爲宗師所當施行皆諮之於宗師也

晉書

武帝紀

貶中山王睦爲丹水侯詔

七月

中山王所行何乃至此覽奏甚用憮然廣樹親戚將自上輔王室下惠百姓也豈徒榮崇其身而使民喻典憲乎此事當大論得失

正賊否所在耳苟不宜君國何論於赦令之間邪其貶睦為縣侯  
晉書高陽王睦傳咸寧三年冀州刺史杜友奏睦招誘逋亡不宜君國有司奏事在赦前應原詔云云

詔主者九月通典作元年  
今年霖雨過差又有蟲災潁川襄城自春日來略不下種深日為  
慮主者何日為百姓計促處當之晉書食貨志通典二

日王恂為河南尹詔三年

河南百郡之首其風敎宜為遐邇所模日導齊之侍中奉車都尉  
王恂忠亮篤誠才兼內外明於治化其日恂為河南尹御覽二百五十二引

晉起居注

聽陳騫留京城詔三年

騫元勳舊德統父東夏方弘遠績日一吳會而所苦未除每表懇  
切重勞日方事今聽留京城日前太尉府為大司馬府增置祭酒  
二人帳下司馬官騎大軍鼓吹皆如前親兵百人廚田十頃廚園

五十畝廚士十人器物經用皆畱給焉又給乘輿輦出入殿中加

鼓吹如漢蕭何故事

晉書陳騫傳

詔諭意陳騫三年

騫履德論道朕所諮詢方賴謀猷曰弘庶績宜時治事可遣散騎

常侍諭意

晉書陳騫傳

曰庾純爲國子祭酒詔三年

議郎庾純篤志好古敦說詩書有儒行宜訓導國子

書鈔六十七引臧榮緒晉

書咸寧三年詔

案本傳純于泰始中歷河南尹免尋爲國子祭酒加散騎常侍非由議郎爲祭酒也書鈔所引疑轉寫有誤

奉朝請宜補大縣詔三年

前相國掾主簿雖奉朝請竝從容閑豫若大縣闕宜曰治民也

書鈔

五十八引晉起居注

贈諡盧欽詔咸寧四年三月

欽履道正直執德貞素文武之稱著於方夏入躋機衡惟允庶事

肆勤內外有匪躬之節不幸薨沒朕甚悼之其贈衛將軍開府儀同三司賜祕器朝服一具衣一襲布五十匹錢三十萬諡曰元晉書盧欽

己何曾爲太宰詔九月

太傅明郎高亮執心弘毅可謂舊德老成國之宗臣者也而高尚其事屢辭祿位朕以寡德憑賴保佑省覽章表實用慙然雖欲成人之美豈得遂其雅志而忘翼佐之益哉又司徒所掌務煩不可久勞耆艾其進太宰侍中如故朝會劔履乘輿上殿如漢相國蕭何田千秋魏太傅鍾繇故事賜錢百萬絹五百匹及八尺牀帳簾褥百副置長史掾屬祭酒及員吏一依舊制所給親兵官騎如前主者依次按禮典務使優備晉書曾傳

詔問荀勗九月

司徒處當得人副遠近之望并治事見才誰可也御覽二百八引荀勗答語咸寧

四年司徒何曾  
遷太宰詔問勅

詔燒雉頭裘十一月

據此裘非常衣服消費功用其於殿前燒之敕内外有造異服依

禮治罪

書鈔一百二十九御覽六百九十四引晉咸寧起居注太  
監司馬程據上雉頭裘一領詔云云未句一本作詔釋之

聽羊祜不曰侯斂詔十一月

故南城侯羊祜固辭歷年志不可奪身沒讓存遺操益厲此夷叔

所曰稱賢季子所曰全節也今聽復本封曰彰厥美魏文類聚五  
十一書鈔四

十八並引晉起居注又見晉書羊祜傳  
文選齊竟陵王行狀注引王隱晉書

追贈羊祜詔十一月

征南大將軍南城侯祜蹈德冲素思心清遠始在內職值登大命

乃心篤誠左右王事入綜機密出統方岳當終顯烈永輔朕躬而

奄忽殂隕悼之傷懷其追贈侍中太傅持節如故晉書羊  
祜傳

徵朱冲爲博士詔四年

處士朱沖履行高潔經學修明其徵爲博士

從祖父不應服周詔

王奉魏氏所承者重不得服其私親

通典九十三咸寧四年陳留國上燕公是王之父王出奉

命於帝爲祖今於王爲從祖父有司奏應服周不日親疏尊卑爲降詔云云

禁斷立碑詔

四年

此石獸碑表旣私褒美興長虛僞傷財害人莫大於此一禁斷之

其犯者雖會赦令皆當毀壞

宋書禮志二

徵朱沖爲太子右庶子詔

四年

東宮官屬亦宜得履蹈至行敦悅典籍者其呂沖爲太子右庶子

晉書朱

沖傳

呂陳壽爲侍御史詔

昨適用蜀人壽良具員耳可曰爲侍御史

華陽國志十一鎮南將軍杜預表爲散騎侍郎

詔云

手詔戒山濤

夫用人惟才不遺疏遠卑賤天下便化矣

晉書山濤傳

詔賜王基等家殺

咸寧五年

故司空王基衛將軍盧欽領典軍將軍陽翟趙素清貧身沒之後居無私積頃者飢饉聞其家大匱其各賜穀三百斛

晉書盧欽傳

呂張華爲度支尙書詔

五年

一年不收使公私俱匱不唯天時乃人事有不盡也故總要者正在度支尙書也其呂散騎常侍中書令張華爲度支尙書

御覽一百十七

引晉起居注

伐吳詔

五年

制詔兵興已來八十餘年戎車出征罔有寧歲死亡流離傷害和氣朕每惻然悼心思戢兵靜役與人休息故罷習業廣分休假大遭扶老養孤及女朝夕相對而吳賊失信比犯王略胡虜校動寇

害邊垂人兵缺少不足禽制輒當前休中士已相應赴將士疲悴而猶不及事欲已爲靜而更爲勞昔淮夷不賓成王東伐獫狁作難戎車夏征自古及今咸皆勤戎遠戍先勞後逸未有得脩無爲於有事之時也自宣皇帝已來已吳蜀爲憂邊事爲念今孫皓犯境夷虜擾邊此乃祖考之遺慮朕身之大恥也故繕甲脩兵大興戎政內外勞心上下戮力已南夷句吳北威戎狄然后得休牛放馬與天下共饗無爲之福耳今調諸士家有二丁三丁取一人四丁取二人六丁已上三人限年十七已上至五十已還先取有妻息者其武勇敢將家亦取如此比隨才署武勇掾史樂市馬比爲騎者署都尉司馬中間已來內外解弛吏寡盡忠之心將無致命之節朕方靜人用未加罪戮今當大脩戎政已混壹六合賞功罰情明罰整法其宣敕中外羣官使各悉心畢力明爲身計主者已時施行條品

答杜預征吳節度詔

制詔夫悅已犯難人忘其死此用兵之本若乃臨戎致果則必莅之已性斷之已戚故商令主告誓其眾用命賞于祖不用命戮于社昔魏絳懷苴列國陪臣苟有犯其政令者雖親如楊干莊賈皆戮之不疑用能尊主立勳垂聲載籍今廣命羣帥凌江致討將已靜齊南裔綏寧四海蓋應揚哮闕之士成功之一會也可不勛哉懸旌萬里當令首尾協同此旣然矣且元帥所統或本不相督威令敎禁素不服習若各任所見不相順從必顛越不振已疚大事兵凶戰危呼吸成變可不慎邪斯乃三軍之命國之安危苟有乖遺已致負敗雖首領之罰必加鉄鉞之誅必用固無及矣是故投之死地而後生蓋知亡必存也已殺敎人而萬夫齊勇蓋自古之政也方岳元帥推轂所委若需懦縱法忘在公之義上愆國命下墜徒眾雖悔身何及凡所督敢距違節度便已軍令從事書稱宣

力汝爲又曰尙桓桓如武如龜如熊如羆軍司將軍其各勉之申

勒羣帥曰下使知此命

文館詞林六百六十二

詔止山濤告退

天下事廣加吳土初平凡百草創當共盡意化之君不深識往心

而曰小疾求退豈所望於君邪朕猶側席未得垂拱君亦何得高

尙其事乎當崇至公勿復爲虛飾之煩

晉書山濤傳

中詔荅衛瑾

濤曰德素爲朝之望而常深退讓至于懇切故比有詔欲必奪其

志曰匡輔不逮主者既不思明詔旨而反深加詆案虧崇賢之風

曰重吾不德何曰示遠近邪

晉書山濤傳濤苦表請退詔又不許尙書令衛瑾奏可免濤官中詔瑾

進馬隆爲宣威將軍詔

五年

隆曰偏師寡眾奮不顧難冒險能濟其假節宣威將軍加赤幢曲

蓋鼓吹

晉書馬隆傳

曰劉頌為議郎守廷尉詔已見前咸寧中辛卯未詳侯攸

黃門郎劉頌貞平居正兼明法理可議郎守廷尉書鈔五十三

曰劉智為國子祭酒詔

南陽王師劉智學行優著其曰智為國子祭酒書鈔六十七引

詔張華

卿才綜萬代博識無倫遠冠叢皇近次夫子然記事采言亦多浮  
妄宜更刪翦無曰冗長成文昔仲尼刪詩書不及鬼神幽昧之事  
曰言怪力亂神今卿博物志驚所未聞異所未見將恐惑亂於後  
生繁蕪於耳目可更芟截浮疑分為十卷王子年拾遺記

報劉毅詔

羊車雖無制猶非素者所服宋書禮志五晉武帝時護軍羊祜乘

賜魏舒葬三妻地并錢詔

魏舒清貧不營財產頓舉眾喪必無曰自供其賜葬地一頃錢五

十萬御覽五百五十四引王隱晉書  
今本御覽脫詔日二字

賜進士出身二品銜廣東等處提刑按察使司按察使兼管驛傳事務出岡王毓藻校刊

全晉文卷五終

全晉文卷六

烏程嚴可均校輯

武帝五

下王濬唐彬等詔

太康元年二月乙亥

濬彬東下埽除巴上與胡奮王戎共平夏口武昌順流長檣直造秣陵與奮戎審量其宜杜預當鎮靜零桂懷輯衡陽大丘既過荊州南境固當傳檄而定預當分萬人給濬七千給彬夏口既平奮宜召七千人給濬武昌既了戎當召六千人給彬太尉充移屯項總督諸方

晉書武帝紀

又與王濬詔

軍人乘勝猛氣益壯便當順流長檣直造秣陵

晉書王濬傳濬上表自理曰臣前被

庚戌詔書

太尉賈充總統諸方自鎮東大將軍佃及渾濬彬等皆受充節度

全晉文卷六

晉書王濬傳濬上書  
自理曰又前被詔書

東堂小會詔三月

江表初平天下同其歡豫王公卿士各奉禮稱慶其於東堂小會  
設樂使加於常魏文類聚三十  
九引晉起居注

讓王濬不受王渾節度詔

伐國事重宜令有一前詔使將軍受安東將軍渾節度渾思謀深  
重案甲呂待將軍云何徑前不從渾命違制昧利甚失大義將軍  
功勲簡在朕心當率由詔書崇成王法而於事終恃功肆意朕將  
何呂令天下晉書王  
濬傳

原王濬詔

濬前受詔徑造秣陵後乃下受渾節度詔書稽置所下不至便令  
與不受詔同責未爲經通濬不卽表上被渾宣詔此可責也濬有  
征伐之勞不足呂一省掩之晉書王濬傳有司奏濬表既不列前  
後所被七詔月日又故後違詔不受

運節度使不戰何  
廷尉科罪詔云云

封琅邪王仙于爲停侯詔元年

琅邪王仙督軍所統連據塗中使賊不得相救又使琅邪相劉弘等運軍逼江賊震懼遣使奉餽鹽綬又使長史王恆率諸軍渡江破賊邊守獲督蔡機斬首降附五六萬計諸葛靚孫奕等皆歸命請死功勳茂著其封子二人爲亭侯各三千戶賜絹六千匹晉書琅邪王仙傳

進王渾封爵詔五月庚辰

使持節都督揚州諸軍事安東將軍京陵侯王渚督率所統遂逼秣陵令賊孫皓救死自衛不得分兵上赴已成西軍之功又摧大敵獲張憊使皓塗窮勢盡面縛乞降遂平定秣陵功勳茂著其增封八千戶進爵爲公封子澄爲亭侯弟湛爲關內侯賜絹八千匹晉書王渚傳

曰唐彬為右將軍詔

五月庚辰

廣武將軍唐彬受任方隅東禦吳寇南臨蠻越撫寧疆場有綏禦之績又每慷慨志在立功頃者征討扶疾奉命首啟戎行獻俘授

晉書唐彬傳

封孫皓為歸命侯詔

五月辛亥

孫皓窮迫歸降前詔待之曰不死今皓垂至意猶愍之其賜號為歸命侯進給衣服車乘田三十頃歲給穀五千斛錢五十萬絹五百匹絲五百斤皓太子璿拜中郎諸子為王者拜郎中

吳志孫皓主傳三太

康元年四月詔

晉書作五月

詔答有司

六月丁丑

睦退靜思愆改脩其德今有爵土不但曰牧江陽險遠其曰高陽郡封之

晉書高陽王睦傳睦封中止上咸寧中脫封丹水縣侯太康初詔復爵有司奏封江陽王帝云云

答衛瑾等奏請封禪詔

九月

今通寇雖殄外則障塞有警內則民庶未康此盛德之事所未議也

晉書禮志下  
宋書禮志三

又詔

今陰陽未和刑政未當百姓未得其所豈可已勒功告成邪

同上

又詔衛瓘等勿下五府議封禪

雖蕩清江表皆臨事者之勞何足已告成方望羣后思隆大化已

寧區夏百姓獲乂與之休息斯朕日夜之望無所復下諸府矣勿

復爲煩

同上

又詔

方當共思弘道已康庶績且俟他年無所復紛紜也

同上

又詔報三公有司勿議封禪

所議誠列代之盛事也然今未可已爾使報絕之

同上

進封張華爲廣武縣侯

詔元年

尚書關內侯張華前與故太傅羊祜共創大計遂典掌軍事部分  
諸方算定權略運籌決勝有謀謨之勳其進封爲廣武縣侯增邑  
萬戶封子一人爲亭侯千五百戶賜絹萬匹

晉書張華傳

復置左右僕射詔

元年

尚書舊置左右僕射所已恢演政典協宣庶績中間久廢其復置

之

書鈔五十九御覽二百一十一引晉起居注

省州牧詔

太康初

上古及中代或置州牧或置刺史置監御史皆總綱紀而不賦政  
治民之事任之諸侯郡守昔漢末四海分崩因曰吳蜀自擅自是  
刺史內親民事外領兵馬此一時之宜爾今賴宗廟之靈士大夫  
之力江表平定天下合之爲一當韜戢干戈與天下休息諸州無  
事者罷其兵刺史分職皆如漢氏故事出頒詔條入奏事京城二  
千石專治民之重監司清峻於上此經久之體也其便省州牧

魏書

郡國志三注補引  
晉太康初武帝詔

賜故司徒李膺等家錢穀詔 太康初

故司徒李膺太常彭灌並履忠清儉身沒家無餘積賜膺家錢二

百萬穀千斛灌家半之 晉書李膺傳

封延祚爲樂平王詔 太康初

弟祚早孤無識情所哀愍幼得篤疾日冀其差今遂廢痼無復後

望意甚傷之其封爲樂平王使有名號曰慰吾心 晉書樂平王延祚傳

曰荀良爲魏郡太守詔 太康元年

方今天下無事所重唯民魏郡大都會也太守宜得其才其曰荀

良爲魏郡太守 書鈔七十四引晉起居注

遣石鑒歸田詔 太康初

昔雲中守魏尙曰斬首不實受刑武牙將軍田順曰詐增虜獲自殺誣罔敗法古今所疾鑒備大臣吾所取信往者西事公欺朝廷

呂敗爲得竟不推究中間黜免未久尋復授用冀能補過而乃與下同詐所謂大臣義得爾乎有司奏是也顧未忍耳今遣歸田里終身不得復用勿削爵土也

晉書石鑒傳

親祀朝日詔二年

禮儀宜有常若如所奏與故太尉所撰不同復爲無定制也間者方難未平故每從所奏今戎事弭息惟此爲大

晉書禮志上宋書禮志一有司奏春

分依舊請車駕祀朝日寒溫不適可不親出詔云云

呂石偉爲議郎詔二年

吳故光祿大夫石偉秉志清白皓首不渝雖處危亂廉節可紀年已過邁不堪遠涉其呂偉爲議郎加二千石秩呂終厥世

吳志孫休傳注

引楚國先賢傳

荅山濤薦許奇等詔

案其資歷悉自足爲郡守各呂在職日淺則宜盡其政績不宜速

他轉也

御覽二百六十八引山公啟事

手詔山濤

太康三年

君曰道德爲世模表況自先帝識君遠意吾將倚君曰穆風俗何乃欲舍遠朝政獨高其志耶吾之志懷故不足曰喻乎何來言至懇切也且當曰時自力深副至望君不降志朕不安席

晉書山濤傳

曰山濤爲司空詔

十二月

濤道高德茂器宇淵濟宜贊三事曰敷五教

書鈔五十二引王隱晉書

與司徒山濤詔

十二月

君年耆德茂朝之碩老是曰授君台輔之位而遠崇克讓至于反

覆良用於邑君當終始朝政翼輔朕躬

晉書山濤傳

又詔山濤

十二月

君翼贊朝政保乂皇家匡佐之勳朕所倚賴司徒之職實掌邦教故用敬授曰答羣望豈宜沖讓曰自抑損邪已敕斷章表

晉書山濤傳

齊王攸之國詔

十二月

古者九命作伯。或入毗朝政。或出御方嶽。周之呂望。五侯九伯。實得征之。侍中司空齊王攸。明德清暘。忠允篤誠。已母弟之親。受台輔之任。佐命立勲。勛勞王室。宜登顯位。已稱具瞻。其已爲大司馬都督青州諸軍事侍中如故。假節將本營千人親騎帳下司馬大車皆如舊。增鼓吹一部。官騎滿二十人。置騎司馬五人。餘主者詳案舊制施行。

晉書齊王攸傳

呂韓謚爲賈充世孫詔

三年

太宰魯公充崇德立勲。勤勞佐命。背世殂隕。每用悼心。又胤子早終。世嗣未位。古者列國無嗣。取始封支庶。已紹其統。而近代更除其國。至於周之公旦。漢之蕭何。或豫建元子。或封爵元妃。蓋尊顯勲庸。不同常例。太宰素取外孫。韓謚爲世子。黎民後吾。退而斷之外孫骨肉至近。推恩計情。合於人心。其已謚爲魯公世孫。已嗣其

國自非功如太宰始封無後如太宰所取必已自出不如太宰皆不得已爲比

晉書賈充傳

贈諡羊琇詔

三年

琇與朕有先后之親少小之恩歷位外內忠允茂著不幸早薨朕甚悼之其追贈輔國大將軍開府儀同三司賜東園秘器朝服一襲錢三十萬布百疋諡曰威

晉書外戚羊琇傳

呂荀勗爲光祿大夫詔

二年

勗明哲聰達經識天序有佐命之功兼博洽之才久典內任著勳弘茂詢事考言謀猷允誠宜登大位毗贊朝政今已勗爲光祿大夫儀同三司開府辟召守中書監侍中侯如故

晉書荀勗傳

庾粲等除名詔

太康四年

粲等備爲儒官不念奉憲制不指荅所問敢肆其誣罔之言曰干亂視聽而粲是議主應爲戮首但粲及家人竝自首大信不可奪

秦秀傳珍前者虛妄幸而得免復不曰為懼當加罪戮曰彰凶慝

猶復不忍皆丐其死命秀珍等竝除名晉書庾純傳

曰魏舒為左僕射領選曹詔正月甲申

吏部掌敘人倫治化之本也宜得忠正舊德尚書右僕射魏舒寬

泰弘毅潛通有才識其曰舒為左僕射領選曹御覽二百十一引晉起居注

曰朱整為吏部尚書詔八月

選曹銓管人才宜得忠恪寡欲抑華崇本者尚書朱整周愼敬讓

御覽作曰道素自居是其人也其曰整為吏部尚書北堂書鈔六十四御覽二百

廉敬  
十四並引  
晉起居注

給九卿車詔四年

依漢故事給九卿朝車駕及安車各一乘宋書禮志五

曰何邵為侍中詔四年

議郎何邵已歷試朝位博雅有拾遺顧問之才其曰邵為侍中書

五十八引晉起居注太康四年詔

報劉毅詔太康五年正月

政德未修誠未有日府受嘉祥省來示日爲瞿然賀慶之事宜詳

依典義勅靜數示晉書劉毅傳又羣書治要三十一引晉書

詔定皇后躬蠶禮太康六年

古者天子親籍日供案盛后夫人躬蠶日備祭服所日聿遵孝敬

明教示訓也今籍田有制而蠶禮不修由中間務多未暇崇備今

天下無事宜修禮日示四海其詳依古典及近代故事日參今宜

明年施行晉書禮志上宋書禮志一

詔一廟七室仍舊六年

古雖七廟自近代日來皆一廟七室於禮無廢於情爲敘亦隨時

之宜也其便仍舊晉書禮志上宋書禮志三太康六年羣臣又議奏曰古者七廟其所宜如禮詔又曰

慕容廆襲破夫餘下詔存恤六年

夫餘王世守忠孝，爲惡虜所滅，甚愍念之。若其遺類，足曰復國者，

當爲之方計，使得存立。

晉書東夷傳夫餘傳

答汝南王亮等詔

太康七年正月甲寅朔

夫陰陽失序，朕干天道，刑政失中之所致也。其使冠履勿復通表，

世堂書鈔五十引晉八王故事

因災異求直言詔

正月乙卯

比年災異屢發，日蝕三朝，地震山崩，邦之不臧，實在朕躬。震蝕之

異，其咎安在？將何施行？曰：濟其愆，公卿大臣各上封事，極言其故，

勿有所諱。

晉書武帝紀宋書五行志五又略見開元占經九

呂張建爲給事中詔

七年

郎中張建，忠篤履素，爲江表士大夫所稱，宜在中朝。其曰建爲給

事中，

初學記十二御覽二百二十一疏引晉起居注

呂馮統爲散騎常侍詔

七年

尚書馮統忠亮在公歷職內外勤恪匪懈而疾未差屢求放退其  
日統爲散騎常侍賜錢二十萬麻帳一具初學記十二御覽二百二十四並引晉起居注  
日隴西王泰爲鎮西將軍詔十一月壬子

關中內屏京畿外藩河右北扞戎狄南鎮巴漢宜任懿親日靜西  
土隴西王泰秉心誠亮思度弘遠北堂書鈔六十

太子侍從進品詔

太康八年

太子家令太子率更令率更僕東宮之達官也其進品第五秩與

中庶子左右衛率同職擬光祿勳

北堂書鈔六十六引晉起居注四條

郡治詔

八年

昔先王御俗日興至治未有不先成民事者也漢宣識其如此是  
日歎息良二千石今之士大夫多不樂出宰牧而好內官今欲皆  
先經外郡治民著績然後入爲常伯納言及典兵宿衛黃門散騎  
中書郎

藝文類聚四十八御覽二百二十又二百五十九並引晉起居注

答王濟成祭等議諡郭奕詔十月

非言君臣不可同正曰奕諡景不相當耳諡所目旌德表行案諡

法一德不懈爲簡奕忠毅清直立德不渝宜諡曰簡晉書郭奕傳

太康八年十月太常上議故太常平陵男郭奕爲景侯有司議奏

曰爲大晉受命祖宗諡號羣下未有同者蓋因近代淺情習于所

見也奕諡與景皇帝同可改諡曰穆侍中

王濟等議君臣不嫌同諡武帝詔云云

糾舉羣吏詔太康九年正月興化之本由政平訟理也二千石長吏不能勤恤人隱而輕挾私

故興長刑獄又多貪濁煩撓百姓其敕刺史二千石糾其穢濁舉

其公清有司議其黜陟令內外羣官舉清能拔寒素晉書武帝紀

定二社一稷如魏制詔太康九年

社稷一神而相襲二位眾議不同何必改作其便仍舊一如魏制

晉書禮志上宋書禮志四通典四十五

詔賜梁桺粟太康十年四月

陽平太守梁柳治績尤異賜粟千斛秩中二千石北堂書鈔三十

封安平王孫承詔十月壬子

安平獻王孫承昔曰父早亡不建大祚曰縣封之今曰三縣封為

武邑王引晉起居注案安平王字

曰王琛為太子庶子詔十年

尚書郎王琛每所陳論意在忠謹其曰為太子庶子御覽二百四十五引晉起居

注

改建宗廟詔十年

往者乃魏氏舊廟處立廟既壅翳不顯又材木弱小至今中間有

跌撓之患今當修立不宜在故處太僕寺南臨甬道地形顯敞更

於此營之主者依典禮施行御覽五百三十一引晉起居注武帝

大廟成遷神主於新廟案晉書禮志太康六年因廟陷當更修

創至十年乃更改築於宣陽門內窮極壯麗則太安非也今改正

復明堂及南郊五帝位詔十月

孝經郊祀后稷曰配天宗祀文王於明堂曰配上帝而周官云祀天旅上帝又曰祀地旅四望四望非地則明堂上帝不得爲天也往者眾議除明堂五帝位考之禮文正經不通且詩序曰文武之功起於后稷故推曰配天焉宣帝曰神武創業既曰配天復曰先帝配天於義亦所不安其復明堂及南郊五帝位

晉書禮志上宋書禮志三通典

四十

封皇孫遼爲廣陵王詔

十一月

通既長且仁可令曰通爲廣陵王曰廣陵臨淮爲封國邑五萬戶

引王隱晉書

詔徵陸喜等十五人

太康中

僞尙書陸喜等十五人南士歸稱並曰貞潔不容皓朝或忠而獲罪或退身修志放在草野主者可皆隨本位就下拜除赦所在曰禮發遣須到隨才授用

晉書陸雲附傳

夕牲詔

夕牲而令有司行事非也改擇上旬他日宋書禮志一太康中

報劉頌詔太康中

當作肉

得表陳封國之制宜如古典任刑齊法宜復內刑及六州將士之役居職之宜諸所陳聞具之知卿乃心為國也動靜數日聞晉書劉頌傳

荀勗守尚書令詔太康中

周之冢宰今尚書令皆古百揆之任呂其亮采惠疇熙帝之載實允於此則肆力先朝庸勳超格受終之揆協于大麓故受呂此位

也書鈔五十九引曹嘉之晉紀

賜荀勗詔太康中

尚書令荀勗既久羸毀可賜乳酪太官隨日給之御覽八百五十一引晉太康起居注案今本御覽不云詔又無既久可三字張采所輯本如此疑宋本也或別有所據也今據補錄

賜石蜜五升

御覽八百五十七引晉太康起居注

呂王仲爲治書侍御史詔

故司空王基夙爲先帝授任基子尙書郎仲雖復清途猶未免楚

撻其呂仲爲治書侍御史

書鈔六十二引太康起居注武帝詔案魏志王基子徽早卒孫廙仲益幼子

其傳未見張采所據書鈔仲字作沖未審孰是

出清商掖庭詔

今出清商掖庭及諸才人奴女保林已下二百七十餘人還家

御覽

百四十五引晉武帝起居注

呂御府物賜王公詔

御府內省珠玉玩好之物皆呂賜王公也

御覽八百二引王隱晉書

袁奧從九卿詔

太中大夫新蔡男袁奧志高口口行誼優異可從九卿崇重之例

給吏四人

書鈔五十六引晉錄



美先典所與難違至情今聽其所執旨劇陽子就第位同三司祿  
賜如前几杖不朝賜錢百萬牀帳簾褥百副旨舍人四人爲劇陽  
子舍人置官騎十人使光祿勳奉策主者詳案典禮令皆如舊制

晉書魏

舒傳

賜卹魏舒詔

太康末

舒唯一子薄命短折舒告老之年處窮獨之苦每念怛然爲之嗟  
悼思所已散愁養氣可更增滋味品物仍給賜陽燧四望總聽戶  
阜輪車牛一乘庶出入觀望或足散憂也

晉書魏  
舒傳

報華嶠手詔

太康末

輒自消息無所爲慮

晉書華嶠傳帝疾小瘳嶠  
表賀因微諫帝手詔報

許司空衛瓘致仕詔

太熙元年正月

司空瓘年未致仕而遜讓歷年欲及神志未衰旨果本情至真之  
風實感吾心今聽其所執進位太保旨公就第給親兵百人置長

史司馬從事中郎掾屬及大車官騎麾蓋鼓吹諸威儀一如舊典  
給廚田十頃園五十畝錢百萬絹五百匹牀帳簾褥主者務令優  
備曰稱吾崇賢之意焉晉書衛瓘傳

衛瓘給騎兵詔元年

太保衛瓘明允篤誠有匪躬之志其給千兵騎百人北堂書鈔五十二御覽二

百六並引  
晉起居注  
曰盧浮為博士詔元年

盧浮修行明經曰為國子博士書鈔六十七引晉起居注

允從僕射詔無年月

司馬璞貞固和祥有識見才幹曰堇為允從僕射書鈔六十三引晉武帝起居注

案璞堇必有一誤晉初宗室亦無此名璞堇蓋觀之誤取邪王儲子也

詔

封域相近吾傷切之書鈔四十六引晉武帝起居注

敕戒郡國計吏

秦始皇五年正月癸巳

諸郡國守相令長務盡地利禁游食商販其休假者令與父兄同其勤勞豪勢不得侵役寡弱私相置召

晉書食貨志又略見武帝紀

策告故侍中羊祜

太康元年五月

皇帝使謁者杜宏告故侍中太傅鉅平成侯祜昔吳爲不恭負險稱號郊境不關多歷年所祜受任南夏思靜其難外揚王化內經廟略著德推誠江漢歸心舉有成資謀有全策昊天不弔所志不卒朕用悼恨于厥心乃班命羣帥致天之討兵不踰時一征而滅疇昔之規若合符契夫賞不失勞國有彝典宜增啟土宇以崇前命而重違公高讓之素今封夫人夏侯氏萬歲鄉君食邑五千戶又賜帛萬匹穀萬斛

晉書羊祜傳

策詔告故太傅羊祜廟

故太傅鉅平侯羊祜造建平吳之規潛謀遠略與眾殊慮勳業不

遂然蕩滅之計悉如祐策固能夷曠世之寇拯生民之患勛烈宏著而寵不逮身其遣使呂克定之功策告祐廟昔漢封蕭何夫人爲侯呂崇顯元功亦古之令典封祐夫人爲萬歲鄉君食邑五千戶賜絹萬匹

湖北通志李興撰羊祜碑

策齊王攸

太康四年

於戲惟命不干常天既遷有魏之祚我有晉既受順天明命先建羣后越造王國于東土錫茲青社用藩翼我邦家茂哉無怠呂永

保宗廟

晉書齊王攸傳

策護羌校尉彭祈

太康十年三月

君秉心公亮所莅有方不幸殞歿朕甚痛惜

彭祈碑

東堂策問賢良方正夏侯湛等十七人

秦始中

頃日食正陽水旱爲災將何所修呂變大眚及法令有不宜於今爲公私所患苦者皆何事凡平世在於得才得才者亦借耳目呂

聽察若有文武器能有益於時務而未見申敘者各舉其人及有負俗謗議宜先洗濯者亦各言之

晉書摯虞傳

策問賢良卻詵等

秦始中

蓋太上已德撫時易簡無文至于三代禮樂大備制度彌繁文質之變其理何由虞夏之際聖明係踵而損益不同周道既衰仲尼猶曰從周因革之宜又何殊也聖王既沒遺制猶存霸者迭興而翼輔之王道之缺其無補乎何陵遲之不反也豈霸德之淺歟期運不可致歟且夷吾之智而功止於霸何哉夫昔人之爲政革亂亡之弊建不刊之統移風易俗刑措不用豈非化之盛歟何脩而嚮茲朕獲承祖宗之休烈于茲七載而人未服訓政道罔述已古況今何不相逮之遠也雖明之弗及猶思與羣賢慮之將何已辨所聞之疑昧獲至論於讜言乎加自頃戎狄內侵災害屢作邊毗流離征夫苦役豈政刑之謬將有司非其任歟各悉乃心究而論

業晉書  
先作元  
曠作惕

之上明古制下切當今朕之失德所宜振補其正議無隱將敬聽之晉書御說傳

策問賢良阮种等秦始皇中

在昔哲王承先之序光宅宇宙咸用規矩乾坤惠康品類休風流衍彌于千載朕應踐洪運統位七載於今矣惟德弗嗣不明于政宵興曷厲未燭厥猷子大夫韞韞道術儼然而進朕甚嘉焉其各悉乃心以闡喻朕志深陳王道之本勿有所隱朕虚心以覽焉晉書

阮种傳

策問秀才華譚等五首

今四海一統萬里同風天下有道莫斯之盛然北有未羈之虜西有醜施之氏故謀夫未得高枕邊人未獲晏然將何已長弭斯患混淆六合

吳蜀恃險今既蕩平蜀人服化無攜貳之心而吳人越睢屢作妖

寇豈蜀人敦樸易可化誘吳人輕銳難安易動乎今將欲綏靜新附何旨爲先

聖人稱如有王者必世而後仁今天成地平大化無外雖匈奴未羈羌氏驕黠將修文德已綏之舞干戚已來之故兵戈載戢武夫寢息如此已可消鋒刃爲佃器罷尙方武庫之用未邪

夫法令之設所已隨時制也時險則峻法已取平時泰則寬網已將化今天下太平四方無事百姓承德將就無爲而又至於律令應有所損益不

昔帝舜已二人成功文王已多士興周夫制化在於得人而賢才難得今大統雖同宜搜才實州郡有貢薦之舉猶未獲出羣卓越之倫將時無其人而有而致之未得其理也

晉書華譚傳

書

省啟知既下須防具具揚州寒到有者比尙擬之動靜更啟也數

遣信還

清化閣

受禪告類上帝文

秦始皇元年十二月丙寅

皇帝臣炎敢用玄牡明告於皇皇后帝魏主稽協皇運紹天明命  
曰命炎曰昔者唐堯熙隆大道禪位虞舜舜又曰禪禹邁德垂訓  
多歷年載暨漢德既衰太祖武皇帝撥亂濟時扶翼劉氏又用受  
禪於漢粵在魏室仍世多故幾於顛隳實賴有晉匡拯之德用獲  
保厥肆祀弘濟於艱難此則晉之有大造於魏也誕惟四方之民  
罔不祇順開國建侯宣禮明刑廓清梁嶠苞懷幽夏興仁揚越八  
紘同軌遐邇馳義祥瑞屢臻天人協應無思不服肆予憲章三后  
用集大命于茲炎惟德不副辭不獲命於是羣公卿士百辟庶僚  
黎獻陪隸暨於百蠻君長僉曰皇天鑒下求民之瘼既有成命固  
非克讓所得距違天序不可已無統人神不可已曠主炎虔奉皇  
運寅畏天威敢不欽承休命敬簡元辰升壇受禪告類上帝曰永

答民望敷佑萬國惟明德是饗

晉書武帝紀  
宋書禮志三

賜進士出身二品銜廣東等處提刑按察使司按察使兼管驛傳事務同王敏漢校刊